

劫

餘

詩

選

劫餘詩選卷十八

婺源 齊學裘 子治

寄懷方箴翁都中卽用其袁浦留別玉谿漢卿策
三鼻君四首原韻

鐘鼎與山林交遊有真趣自公退食時休暇聯句情
綵千尺潭不忍見君去送君三百里揮淚悵歸與朝看
旌旆行暮泊淮陰住三十六湖樓思君不得昭寂寞返
刊江索居何其遠皇皇如有失興盡詩難賦停雲靄靄
天延仁東軒屢

追隨有六載聯吟得安適忘形到爾汝膠漆投無迹君

爲壇坫主我作無能客高情薄雲霄世交念在昔我如
鳥失巢棲枝良木擇目下無全牛庖丁奏刀藉君才亦
如之誰敢奪其席四方未易才樂與數晨夕我從壁上
觀騷壇戰不歇

吟興正未闌贈行韻蒙次拜讀留別詩經師敦古誼君
登文游臺長歌復作記藁氣邁古今大筆參天地儒雅
追前賢風流出新意卽席我詩成拋輒引玉至釣臺未
暇登袁浦談忘睡驪歌催啟行從容論筆勢文虎與人
龍舍君誰能繼

使君能知人用長而舍短虛懷大有容實學不自滿未

與久親炙那識其深淺憐我老且貧溝壑填難免分廉
惠薪水仁心何其坦入覲離淮揚仍然給月款故舊
如使君萬中難一選思君十二時離腸車輪轉何日歸
井南聯句燭重翦

袁浦留別王谿漢卿策三舅君四首 方濬頤

齊叟勇於詩矢口得天趣七夕已贈行袁浦又搜句
老人劇多情我但別之去僂指五十日小春便歸與
迢遞三百里拏舟不肯住惜哉三日間匆匆塵一晤
八詩和其半追道丹乃遽消寒再開社松栢後凋賦
白頭興頗豪拄杖井南屢

于君磊落才郊居適其適邇來數過從心交化形迹
聚久不欲離儀董軒內客小阮今雨多謂少君獨重
疇昔廢言固名言精者夢園擇尤愛舌鋒利與邃能
同書招邀文字侶邢江偕挂席年時困簿書無如此
晨夕明朝恨分袂雄談那肯歇

董子耆吾文重勞手編次云胡不下帷會言敦古誼
殷勤約登臺別後當作記漁洋非無人嵌碑有餘地
幸不辱君命揮灑竟如意文成詩亦成君舟翌日至
躊躇怕言別翦燭夜忘睡知君非腐儒通達審時勢
淵源本學家天人三策繼

朱生從我遊我好攻其短抑然乃善下有才不自滿
於期在遠大深者異乎淺名士人擲榆生也尚其免
生莫笑我拙生且師我坦欲生屏浮華欲生輪惘欵
昨朝文遊臺可以推上選遑日近朱赤性靈易遷轉
生歸最居諸荆榛力芟翦

寄懷潘星齋丈都中卽用其題畫梅寄贈詩韻三
首

神交三十載恨未得叨陪寄我詩書畫如逢香雪堆
梅里花如夢春來誰泛槎天涯同作客怎不憶梅花
父執今無幾惟公似樂天多情眞佛子不俗卽神仙

玉谿書來索畫梅因題三絕奉正 吳縣 潘曾瑩 星齋

最憶還元閣春風杖履陪重來香雪海悵望白雲堆

君曾侍尊甫梅麓前輩登還元閣有詩紀事

肯負青山約春來泛釣槎梅源山下客夢亦戀梅花

苔點根如石花開香到天 君詠自然庵返魂梅句 攜來冰雪句

祇合贈焦仙

題聽潮上人小象松月石泉圖

明月松間照清泉石上流要知禪意味不外此中求
月照松更幽泉流石不轉真人到此間現出本來面
松靜風不停濤聲動人聽觀此在山泉水流心不競

月缺有時圓泉清出山濁山人寶靈光守真而浣俗
此老出世間先儒而後佛解脫入空門空空守一物
此物有諸已操存而舍亡亡便墮地獄存則登天堂
師從衆香來曷不衆香去爲愛月與泉廣陵暫留住

十一月二十三日方箴翁回揚州詩以誌喜

不見四閱月相逢歡我心風雲增氣色雨露潤山林
捧讀舟車稿何多離別音休言蜀道遠苔異總同岑

神交無遠近萬里若同雲成我千秋業中心何日忘
助資重刊先哀鴻來遍野威鳳去鳴岡高誼全終始
安集感不去心懷致壽康

今日淮南會明春蜀道行逍遙看山色更楚聽猿聲懷
友榮宵夢吟詩記日程迢迢五千里何以慰離情
杜陵別嚴武寂寞返柴門我久無家別今歸何處村待
月謔仍好隨安室尚溫無窮離索感未別已銷魂

十二月初十日送方子箴廉訪入蜀

邗上一揮手何時得見君濛濛愁細雨靄靄恨停雲吟
社頓無王政聲多有聞高軒才就道獨客苦離羣
臨行投一摺薪米養餘生千尺花潭水難如惠我情長
筵終有散至契總無更攜手期非遠吟詩暫送行

玉谿以詩送行碌碌未報行次眾興集依韻寄懷

方濬願

垂老難爲別如何不念君征途度殘臘飛棧入逆雲
徑欲相隨去還思廣見聞碧翁拋淚雨應亦悵分羣
出難吳門後逍遙樂此生祗緣文字契益重友朋情
暖爇薰爐火寒敲旅店更暎違才七日登岸又西行
十二月二十六日馮展雲閣學岑驥過訪作詩贈
之

一別三年矣高軒重枉過景卿快先覩人墨苦相磨古
畫供君賞新詩聽我歌淵明雖乞食天命樂如何
吳門出難後碌碌常依人久客離鄉井高歌感鬼神君

來一夕話梅放十分春倘念康衢叟魚書寄滬津

畫松陰話別圖贈馮展雲閣學還京師

八年三覲面後會知何方話別松陰下車輪轉我腸
邗上度殘臘往來剛一句贈君無別物半幅江南春

正月十八日戴子綬

紫庭

戴一琴過訪詩以贈之

一別十八載

咸豐庚申正月子綬來吳門一叙而別

相逢似夢中書生事

戎馬詞客愧雕蟲且玩揚州月休談吳下風
流離傷暮

齒生計寄詩簡

同訪瓊花觀巍巍剩一樓遠窮千里目高出萬峯頭
花之人間種臺仍邗上留哀鴻鳴遍野難解杞人憂

時觀中粥

賑飢
民

寄懷方子箴廉訪入蜀

故人一去六千里無限衷情說與誰
七十五齡仍作客
去來今事盡歸詩騷壇聯句真無主
尊酒論文尚有時
夢覺揚州成獨立
梅花香裏寄遙思

使君經濟萬文章我仗癡顛得壽康
夢訪相如沽酒店
神遊杜甫浣花堂瞿塘灘瀕雖云險
晚節流離實可傷
一事可爲知己道
重刊祖集又成裝

洛陽道上寄詩來病眼頻揩誦百回
如此多情勞眷戀
令人深感重低徊
廣陵倡和詩成集西蜀驂轡道又開

誰料文翁能化俗也思莊叟不才才

一觴一詠總前緣六載相依豈偶然戒飲時時思學佛
狂歌夜夜夢遊仙閒鷗鷺鶴堪爲侶明月清風不用錢
飲水自甘貧可樂但愁先集未刊全

二月二日邀陳百生俞澤夫蔣子璠俞子洪蜀岡

探梅作

昨訂探梅約攜朋上蜀岡繁花插晴昊疏影卧斜陽祇
許胎禽守那容蛺蝶狂羅浮仙子夢飛到谷林堂

平山堂懷方子箴廉訪

築堂人鎮西川去此地重來係我思山色隔江仍似畫

騷壇無主強吟詩情深方覺多離恨年老那知少會時
攜手廿年臨別語令人怎不憶追隨

贈心泉上人

勝地平山堂詩僧偶來住在山泉水清印心得佳句不
問漢與唐矢口饒天趣卽詩以參禪禪心豁然悟幻景
來吾前紛紛亂飛絮飛絮一沾泥泥汙飛不去吾師在
此間清泉石上注浣盡俗與塵靈光千古煦

題日本使臣副島種臣詩稿

劍氣沖霄漢文光射斗牛遨遊輕萬里事業重千秋傑
作江山助高歌神鬼愁君身有仙骨借問幾生脩

江南老居士性本愛山林暮齒流離際何曾廢苦吟身
居懸磬室手撫落霞琴祇解安貧樂從無慕外心
與君未謀面贈我以長歌無限掄揚意其如頑鈍何德
涼愧儒士髮禿肖頭陀莫怪輪迴說輪迴說不訛
休談神鬼事海上訂交期寒食清明節杏花春雨時南
園同醉酒北郭共吟詩儒雅追前哲風流亦我師

贈徐仁山

文達

觀察

仁山先生心至仁惠我無私知我貧分廉屢屢助剗
世上如君有幾人深情高詛何以報心香一瓣時時陳
前年九日登蜀岡與君痛飲平山堂雲龍風虎成高會

歌詩作記同徜徉

甲戌九月游雲上人具伊蒲饌延方

顯庭泰戎于漢卿

子綏廉訪徐仁山師竹庵兩觀察朱

堂登高方作記子作歌以紀勝遊去年晤對井南室廉

訪聯吟處曰

井南精舍聽談時事言真實和平敦厚一通儒心焉

嚮往非一日無由親炙緣何慳三月買舟滬濱還他日

重逢在何處離愁高壓甘泉山

題今雨樓圖爲于少湘寶之作

舊雨軒中舊時客頭童齒豁人不識今日來登今雨樓
古道照人思先德先德廣廈千萬間大庇寒士皆歡顏
種善餘慶子孫賢今雨舊雨來源源

三月三日瓜步守風讀黃仲則雨當軒詩集感作

江頭三日風和雨悶坐船艙誰與語無聊且讀兩當詩
一字一淚何悽楚從古詩人遇必窮遇到奇窮詩愈工
造物忌才何太酷我欲搔首問蒼穹君爲長句似青蓮
但未乘醉去朝天半生鬱鬱不得志幸留詩卷人間傳
人言君詩太蕭索我道君詩實渾樸清才歷代有幾人
病眼頻揩日夕讀我生若與君同時入林把臂訂心知
詩成五十有餘卷何處尋君刪我詩

初四日舟過焦山不得泊詩以遣懷

焦山在眼前風利不得泊山靈笑老顛奔波胡碌碌年
已近八旬壯志雲霄薄只知汗漫遊不想家園樂滿地

盡江湖何處住行腳蝸廬亦可居井水亦可酌盞歌歸
去來好踐前時約聞言心內訟低頭自思索先集未全
刊何能隱山谷待到集刊全甘心事冥漠志士到暮年
不忘在溝壑日荷一長鑱入山採靈藥

船入丹徒閘作

一瞥年華七十五天涯作客不知苦獨攜一葉小漁舟
偏向江心浪中舞浪花如雪打人頭四大皆空何處遊
卸帆轉入丹徒閘村如圖畫水如油五年不見江南景
到此如何不心警不因共亂失田園誰肯離鄉而別井

舟中遣懷

人生行止非人爲遊絲一縷憑風吹生有自來沒有地
得過且過休貪癡銅山金谷土一坏姦雄惡少化劫灰
仰天大笑纓頻絕斫地高歌劍亦哀呼童提壺沽美酒
酒飲一杯詩一首眼前幻夢尚未醒身後虛名亦何有

荆溪道中

船入荆溪路魂銷便黯然湖山青似昔書畫化如煙

先君

湖山書畫樓在宜興城東瞰珠巷

荒徑無松菊遙峯有墓田因何不歸

老先集未刊全

年交七十五志尚薄雲霄溫飽非吾願貧窮是自招不
營生產事只喜詠歌謠卽欲移家去難忘廿四橋

風煙陽羨里尚有幾知心兄弟皆分散生涯各自尋傳
家三管筆遣興一張琴欲訪成連去海濤深復深

難未吳門出于釣一髮縣餘生逃虎口白日見青天縱
乏田園樂猶欣骨肉圓千秋心事了一壺再來專時尋資重

刊祖父全集

和豐橋喜晤楊堯門裴玉山程德銘倪庭芳周仲
清潘均堂暢談三日別後却寄

五年不相見相見喜無窮我志猶如少君顏真似童歸
家翻作客破浪又乘風此別無多日歸期八月中
天地吾廬也何方非我家祇緣事剗剗不暇理桑麻小

飲叙情話高歌散落霞
潮橋驢背客那有著身花
堯門
來和橋
故及之

舟中遣懷

舊遊重到記依稀
城郭人民半是非
南北舟車嘗險阻
東西勞燕恨分飛
窘遭陰雨我呼助
窮爲刊書人不譏
千載事成兒願足
何愁無食又無衣

寄懷張子希揚州

質廡相依近六年
倡予和汝有詩篇
一帆風送到黃浦
回首難忘果老仙

寄懷張子猷子揚揚州

年華身世任悠悠金石圖書載一舟
寄語蘇家好兄弟聯吟風月憶儂不

遣興用日本副島種臣述懷元韻

人生出處皆前定鑪鼎山林各有爲
要識天心憎世亂不愆禮義任人訾
居今反古生災種樂道安貧召福基
素位而行休慕外溫柔敦厚可言詩

附錄元作

日本副島種臣

用捨行藏各有宜閑居安適在無爲
不言世道言天道非恐人訾恐鬼訾
後進無多奇傑士同心方計太平基
逍遙坐卧纔生足聊得逢君誦此詩

次韻奉和王雪香見惠之作

眾香國裏快相逢

雪香近寓舊教場花局內

久客

揚州成嬾鶴重來黃浦作飛鴻
滿懷明月蒙君照兩袖清風與我同
消受家居無此福尋詩又擬赴川中

附錄元作

王希廉

五年濶別喜重逢
自撫頭顱笑秃翁
從此吟壇原有主
於今問字不須鴻
揚州舊夢分明記
海上閒鷗臭味同
想見含飴饒樂事
尋詩杖策綠陰中

題日本竹添光鴻棧雲峽雨遊記

讀破萬卷行萬里
寫出棧雲和峽雨
何期東海來奇才

人中之龍文中虎我取揚州月二分重來滬上遇斯文
秋高訪友西川去見見聞聞報與君

送竹添進一歸日本

我亦巾江客雲間一片雲送君歸故國無語對斜曛

題竹添棧雲峽雨詩稿

西蜀好山水人文冠古今供君一遊攬到處發豪吟

屬我參末議歸期太急忽盍留一副本刊入見聞中采

中外奇人奇文奇事編入見聞三筆

五月初七日葛碩卿邀同蔡龍九徐逸卿楊伯潤

赴日本竹添漸卿詩人之雅集小飲話別得詩

一首送漸卿歸國

故人久不見今又得叨陪四海一堂叙寸心千古開筆

談消永晝詩興起深杯贈別無他物橫斜半幅梅余畫墨梅

送漸卿行

哭王雪香希廉

貪看明月久離羣

余客揚州五年

黃浦重來特訪君仙侶合居

衆香國

君寓上海花園

花光騰結妙鬢雲新詩投贈無限感舊

雨飄零信駭聞學史草書珍拱璧

君善草書手著學史傳世

頻揮老

淚痛斯文

余鏡湖編脩

鑑

讀先君梅麓公詩集題詩四律見

眎次韻奉酬

休言廊廟概無詩先集題辭四律貽尺璧寸珠寶光吐

高山流水古音遺千秋事業三秋定

表重刊先集詩鈔十八卷三載告成

前輩風流後輩思重到任公釣鼈處相逢海上未多時

余客揚州六載

夏初纔返申江

昔年梓里訪尊公攜手登臨氣宇崇採藥安期遊世外

賦詩元亮隱樽中兒曹三達知仁勇家道羣推暇豫豐

積善禎祥知必有經文緯武仰賢雄

尊甫振衡先生精岐黃術活人無算

常攜我與余桐孫甥登天鄣山絕頂宿須彌禪院白雲

窩作詩紀勝後至泰興吳和甫侍郎家相遇暢談三日

而散今日思之忽

忽三十餘年矣

力余未

賣賦相如孰與侔何須宦海論沈浮驚天大筆扶風雨
病渴頻年嬾應酬君患肺氣未愈極樂胸懷定知足太平心地
必無求間居細讀閒情賦海市蜃樓供卧遊

滄江漁父久湮淪誰識此中大有入老友晨星真覺少
好詩夜月總常新嗟予鬱鬱不如意裴欲刊金先集資無所措心胸悶悶
無一刻舒故及之羨爾安安自在身待到遺書全付梓再呈天
祿拂浮塵

題秋樹讀書圖爲杜晉卿作

讀書之樂在三餘豈獨秋時好讀書偶感秋聲起涼夜

蕭蕭瑟瑟和伊吾

借韻

繪圖見志索題詩書到今生讀豈遲我願世間佳子弟
窮年伏案做書癡

士不讀書真自棄與言無味貌堪憎要爲第一流人物
盍把斯圖作準繩

讀書須得聖賢心希聖希賢要自任身體力行真實學
畢生不愧附儒林

余鏡湖見贈四律倒用前韻答之

高車駟馬走紅塵怎及清涼物外身故里雲山思念切
申江風景見聞新民生國計愁無極勢異時移恨煞人
詞著竹枝堪警世名馳千古不沈淪

凡著申江竹枝詞
二十四首纏綿愷

側意在勸懲國計民生大有關係
真老杜遺音此謂詩史必傳無疑

黃石赤松願從人遊電光泡影復何求風花雪月憑吟
賞韓孟歐梅慣倡酬身世迷離蝴蝶夢滄天空濶翠萍
浮長風萬里行吾志籠鳥池魚難與侔

知君意氣自豪雄憐我荒田歲久豐家寄任公釣鼇處

夢遊杜老浣花中酒龍詩虎尋常見峽雨巫雲景象崇

壇坫重開少長集如泥爛醉笑山公

六月中旬予夢至成都與方子箴廉

訪相對談詩飲酒大醉不能聯詩大笑而寤亦一奇也想入蜀之行當可如願故并及之

重遊滬上過三時剗剗功虧係我思

先集未克刊全

司馬家徒

四壁立伯鸞歌剩五噫遺千金散去何須惜雙鯉飛來

復見貽天濬吟翁太孤寂特教仙客伴聯詩

徐石史茂才送藥酒一瓶蜜桃十枚詩以謝之

美哉城北徐是我忘年友我爲脩書來年已逾八九

丁卯

冬來滬赴應敝齋方伯刊校陳龍川文集并蔣劍人文集之約六載客維揚神馳君左

右今夏返申江太歲在丁丑往來破寂寥忘客天涯久

金石聽千聲圖書觀一藪脩竹兩三竿蕭蕭暑不受隙

地闢數弓栽花復種柳三絕書畫詩才高不挂口友誼

常存心父書長在手從無花著身那有柳生肘讀書樂

三餘虛室淨半畝座無俗客喧門有嘉賓扣金釵十二

行絕豔誇富有卧遊畫圖間樂志古無偶須防人巧偷

豈畏獅長吼

兄倩名手繪十二美人環縣樓壁以自娛悅雅人深致令人生羨

予繪豔

禪圖此意君獨取能作如是觀先疇皆可守立秋前二
日惠我桃與酒酒名五加皮飲作掃愁帚桃出黃泥牆
食之得大壽何須沽相如何必求王母吟餘酌一樽豪
氣沖牛斗渴時啖一枚肺腑除塵垢何以報君惠五言
詩一首君素知我心愛我忘我醜知君必有詩教我以
敦厚

玉谿先生有贈徐石史詩次韻奉呈

副島種臣

四海宜論交三益將擇友跋山涉海來我年四十九

數月走諸州山左暨江右疾病寓中江維月斗建丑
苦寒旅衣單唯祈道悠久一士自城中忽盛書一鼓
云是家嚴著再拜頓首受風調追李杜閑博逾韓柳
陰臨果報論遺事出衝口追孝繼述心父書執在手
既守固窮節誰復掣其肘曾經兵燹餘厦屋無半畝
書畫證三昧戶閉客相扣送迎應接間萬言胸中有
內行端而正至今無怨偶不以廣長舌大聲倣獅吼
一節陳亮集蓋聞夙所取可證其才略可觀其神守
今茲丁丑夏相見其杯酒薰風掃我愁不用更擁帚
夫子七十五現年躋大壽正知有德報延長比王母

我生何不才碌碌擲用斗猶奉天賦靈焉可染塵垢
天與道惟一呵護保身首道與善不二不容一點醜
懷慕有斯詩願裁以敦厚

約徐石史南園賞荷詩以訂之

人生行樂耳良會時難逢鴻泥留指爪轉瞬各西東我
生胡不展飄泊如飛蓬一瞥過隙駒容易又秋風盡從
我遊乎殘荷能白紅過時而不賞粉碎隨虛空秋固不
須悲酒宜吸碧筒人間此何世搔首問蒼穹不醉復胡
爲百憂休積胸我年近耄耋君齒正豐隆老鯉釣幾頭
一笑問詹公

六月二十八日日本副島招飲鴻運樓詩以贈之
作僞心勞拙作德心逸休識字招憂思著書因窮愁君
年將半百勇退當急流國計與民生時抱杞人憂局外
置閒身匡扶苦無由事到萬難處放膽逍遙遊航海來
中國訪勝復尋幽海內知名士道合情相投鍾鼎與山
林詩歌互倡酬去冬寄我詩我時客揚州焚香再拜讀
讓君出一頭五律題四章如鳥鳴啁啾今夏返申江訪
君乘扁舟君時寓浦東地僻身易修詩似摩天鵠人如
戲海鷗賦詩索我和邀我登酒樓醅醪易醉人豪氣沖
斗牛高歌復長嘯滿座風颼颼人生天地間滄海渺一

三才圖會卷之十一
二
漚生滅在須臾何恃可長留古今詩與文亂後猶堪搜
不義之富貴真是浮雲浮銅山與金谷一瞥成荒邱聖
賢與仙佛著書傳千秋使其不著書道德從何求繼德
功立言不朽爲身謀身存勤著述身去歸瀛洲去留無
聖礙天地一蜉蝣無事便吟詩與君同歌謳散落滿江
城毀譽任謬悠工拙不暇計日月逝驂騑無聞不足畏
不稱實堪羞聖訓中心藏高明首肯不

鏡湖招飲

世界一花耳色香娛我懷琵琶催玉漏杯酒壓金釵優
鉢曇華現明璫翠羽排龍鍾偏喜舞笑煞幾吳娃

應蕃甥招觀劇

纔得酒樓下來登傀儡場英雄兒女事一夢付黃梁舉世無非戲今人實可傷可憐歌舞地幾個感滄桑

玉谿吟次賞花觀劇兩作依韻奉和 余鑑

紅顏娛白髮名士暢詩懷粉黛三千界風流十二釵
花團羣豔鬪酒陣眾香排羯鼓頻催後珊珊來館娃
繁華歌舞地空炫好排場法部誇南北生涯拙稻梁
近時戲園生意大京崑兩班皆然悲歡絲竹寫聚散絮萍傷幾輩羅
敷似休歌陌上桑

鏡湖和余賞花觀劇兩首再用前韻答之

層樓高百尺幻景久忘懷
搗戰傾金斗敲詩拔玉釵
紅搖千炬耀青送九峯排
弱柳嬌無力憐他小小娃

日月雙輪轉乾坤一戲場
衣冠貴優孟

伶人楊月樓年聘金一千六

百兩粉黛足膏梁詎識銷金地
偏懷缺月傷

楊月樓已去梨園賦色

秋胡妻不戲誰採隴頭桑

楊月樓做秋胡戲妻最為絕調去後無人步後塵矣故并

之及

劫餘詩選卷十九

婆源 齊學裘 子治

寓齋患鼠聘余應蕃甥良貓以捕之鼠患除感作
五言三十韻以紀其事并示余甥

我家有老貓貪癩真無比鼠知貓無能日夕聞不已穀
穀不住喧奔笑如鹿豕穿墉復跳梁偷油兼竊米叱之
全無懼驅之將何以老貓見鼠竄安敢作虎視望望焉
去之不勞爪與齒鼠更逞猖獗橫行肆無忌嗚呼我知
之養奸遺患耳余甥蓄良貓形與木雞似溫柔幽閒靜
黑背而白趾眠食喜近人安步不奔駛人謂貓不雄我

道貓甚偉不見張子房狀貌如女子大勇貴若怯妙用
誰能揣向甥聘貓歸安置樓閣裏終日寂無聲低頭而
垂尾誰知房櫳間鼠患從此止不動聲與色鼠族盡遠
徙可知正克邪過化都如是古來國亂興多由鼠輩起
庸臣操國柄鼠輩得施技賢臣當大任鼠輩自披靡家
道亦加之知人莫信鬼鬼與鼠輩通取人骨中髓骨髓
取已空不死將何恃不有良貓來鼠患何時弭貓老任
人嗤素餐久忘恥我幸得良貓有感作詩紀余甥其識
之近言有遠旨

和齊王谿先生捕鼠詩三十韻

日本

副島種臣

君家亦有鼠吾家亦有鼠讀君捕鼠詩嗟嘆未能已
夫鼠一微禽大何望鹿豕倚人蓋爲事常就倉中米
闌人妙有術防禦其何以驅逐不遠逃乃從梁上視
夫豈有長物所怙惟利齒穿屋又穿墉饕餮無復忌
勿謂是暴行亦圖其生耳異物貴相食何物爲無似
上下緣柄間輕捷不顛趾性本富機智相顧步非駛
人道有貓者眼大形甚偉今公能得之不難捕豎子
吾時喜慈悲此言不欲揣取米盛盆中且置空堂裏
自謂寧養鼠安得不垂尾貓鼠或同眠何時吾患止
如是四五日遠自四隣徙其數幾百千景况太不是

食盡一呼間失策禍所起有物無不食各各呈其技
喧擾無晝夜家人大披靡衣物爲所嚙衆鼠甚於鬼
吾術已云窮吾怒徹骨髓不用殺代方默默復何恃
一旦餌毒藥大患從此弭此事二十時愚蒙實可恥
豺狼或橫道狐狸未足紀何況於鼠輩吾詩有遠旨
用前韻奉和鏡湖論詩之作

讀君論詩篇精妙世少比茅塞心頗開得師喜不已我
本井底蛙愧獻遼東豕人生天地間大倉渺一米胡爲
不虛生其中必有以詩虎素馳名可畏眈眈視嗟予少
學詩流離至暮齒大雅久不作詩教肆無忌苦吟銷歲

月誰肯提塵耳君本癡洲仙神韻誰能似常時固厥心
安肯高舉趾得志不猖狂遇患豈驚駭不能淫移屈丈
夫大且偉善養氣浩然吾願學孟子下士希聞道固陋
不自揣嚴師奉一心要在腔子裏戒愼復恐懼春冰與
虎尾不辱常知足不殆能知止嚴牆愼勿立火宅急宜
徙古訓良不誣我聞誠如是士貴敦內行學詩可興起
詩爲心之聲學詩非末技發善復懲愆立辭戒綺靡密
詠寫憂愁高歌泣神鬼祖風而奴騷伐毛兼洗髓獨往
還獨來無依更無恃我自用我法古法都可弭食古若
未化難逃畫虎恥深入不顯出沈晦誰其紀老人擊壤

歌何曾識詩旨

題日本副島種臣先生獨立小像

此身何來無中生有既有此身何者不朽紙上著墨現
出爾身借問爾身是假是真身是真耶明明一紙身是
假耶栩栩欲起真假莫辨何有何無夢幻泡影其在斯
乎去夢宰官今夢賊間借問來夢天上人間蒼茫獨立
默默不語如有隱憂淒淒楚楚我曰毋憂聽取一言恩
生於害害生於恩辰田李下嫌疑勿顧鵠飛冥冥弋人
何慕不俗仙骨多情佛心民生國計澤畔行吟琴書銷
憂稼梁可樂自在遊行間雲野鶴時時枉過邀我持杯

君將歸矣繫我懷來細觀小影蒹蘆依樣越千萬年永
無變相是一儒者非惠非夷願學四絕師聖之時我何
人斯索我題影信筆一揮不莊不整秋光明媚四海一
堂今者不樂夢熟黃梁

七月二十二日副島種臣先生招飲南園話別作
詩見畧次韻和之卽以送行

莫悲生別離且嘗酒味厚反賓爲主人借酒介眉壽酒
爲釣詩釣千金高敞帚感君留念心爲君傾一斗風雅
無比倫主持誰繼後我欲從君遊萬里君許否別緒何
紛紛千條萬條柳誦君留別詩黃絹與幼婦

秋興八首追和杜少陵原韻

不才端合老山林時到秋高氣凜森此日浮家寄黃浦

去年送客過淮陰

送方子箴蕭訪入觀至

釣臺憑弔

韓侯跡碁野難忘謝傳心西塞烽煙猶未息倚闌愁絕

臨寒砧

八年來去玉鈞斜幾度秋風換物華何遜催詩頻擊鉢

張籍奉使快乘槎

丙子冬底方廉訪奉命陳臬四川

井南詩社空盟主

海上譙樓有暮笳

方廉訪詩社在井南精舍

靜掩柴門作何事吟餘

猶喜畫梅花

草堂夜夜夢春暉

予家春暉堂在宜興城中東撤珠巷

池館樓臺歎式微

松菊無存三徑晚東西不計一鴻飛千秋事業力當竭
亂後重刊先集尚未刊全四海交遊願未違疏食菜羹堪果腹臨

淵不羨錦鱗肥

身世安排一局碁羸輸偶耳莫歡悲秋光高爽多佳日

陋巷簞瓢可樂時氣管頻吹催起早

鐵厓辰時用氣管催工聲聞十餘里

詩筒索和累眠遲天空海濶居無礙感逝懷人繫我思

平生最好訪名山夢繞巖巒潑翠間玉女銅官念陽羨

大鄣黃海憶鄉關金丹漫把換凡骨醕酒先教酡醉顏

多感羣賢忘我醜慣將名姓列仙班

石港邦上申江吟壇推予爲社長

觀潮憶昔到江頭正值錢唐八月秋白馬素車翻舊恨

紅羊大劫起新愁可憐詩酒神仙侶化作江湖浩蕩鷗
衫上酒痕今尚在不堪回首是杭州

刻帖刊書廿載功汗牛充棟失吳中圖書有幸逃兵燹

庚申之變予陷吳城十閱月得閒負先金石無聲遞

曉風所藏金石多毀於火震澤菰蒲餘慘綠靈巖楓葉可憐紅太

湖三萬六千頃消笈孤舟蓑笠翁

吳中出難得逶迤一葦浮江泊港陂渡江避地通州石港于壻漢卿寓中

七年狼虎穴離間策杖鷓鴣巢破別棲枝詩情重訪金焦

起畫舫因遊滬濱移丁卯冬應鮑齋方伯聘予來申校刊陳龍川文集蔣劍人文集因寄

居於秋色東南今又滿仰天大笑看虹垂米海岳垂虹亭詩有垂虹

秋色滿東南之句洋洋
今有倚虹亭故并及之

八月初四日副島種臣先生招飲鴻運樓再示三

疊前韻留別詩予感其意三疊其韻作詩奉贈
詩人多薄命君猶得天厚功早畫麟臺已臻無量壽國
計與民生掃愁難覓帚文光射霄漢劍氣冲牛斗養志
而樂天光前并裕後時可談風月事休論可否不使身
著花自無肘生柳明春再到申偕隱攜萊婦

神交無遠邇世情有薄厚能得山水心其人必多壽大
厦要掃塵何人事箕帚君具八斗才我愧無一斗澹泊
讓我先浮華甘人後若論勢與利人唯我曰否何物贈

君行蕭疎幾枝柳離緒正縈懷厭聞鳩逐婦

題陳晏壽

鴻詰

梅窗覓句圖

志士不得志閉戶覓句爲遊戲才人未展才日事吟詠
心胸開志士才人多不遇造物深忌人爭妬終日坎壈
纏其身鑄出一編冰雪文慷慨悲譎泣鬼神長留天地
傳千春也知造物有深意故將困厄成詩人不比人間
富與貴彩雲易散琉璃脆生前赫赫沒則休詩人終古
名長留相如一賣長門賦茂陵遺稿有人搜我友陳晏
壽博得靈運才一斗閉戶苦吟詩梅窗覓句圖繪久徧
徵海內名公題庚申之變化烏有我來滬上重相逢廿

年不見亦成翁飄飄兩袖盛清風流離暮齒與我同君
倚梅窗覓句工我遇覓句濟途窮詩成長嘯聲摩空四
壁唧唧鳴秋蟲

題羅浮香夢圖爲顧少梅作

師雄醉卧梅花窟縞袂相逢興清越幾陣香風吹夢醒
啁啁翠羽娟娟月美人不見花亂飛猶似姍姍其來遲
羅浮仙子工變化入君香夢索儂詩孤山處士今何在
暗香疏影自千載鄧尉梅花憶舊遊夢寐時縈香雪海
梅源山下是吾家老屋疏籬近水涯年來空作還鄉夢
間煞門前萬樹花

副島種臣先生四疊前韻見咏六疊其韻酬之兼
以述懷

高莫如天高厚莫如地厚人與天地參悠久無疆壽人
少入學初灑掃勤擁帚及至學成時羣爭仰北斗希賢
復希聖承先并啟後君早成完人伊誰敢曰否驪歌已
在門頻唱陽關柳餞別酒家樓何用歸謀婦

中外本一家沛公貽謀厚

副島漢沛公後裔

奉君酒一卮祝君

不朽壽能立德功言落筆如揮帚敏捷如青蓮百篇酒
一斗螳螂勿捕蟬黃雀伺其後世路最難行崎嶇君記
否勿種大夫松快哉先生柳吟秋絡緯鳴聲聲驚嬾婦

君來黃歇浦把臂情何厚不以我爲顛偏祝我長壽我
本拾得子义手下帶天地爲室廬北辰爲酒斗酌海
海欲枯龍公瞠乎後消盡古今愁虛空粉碎否美麗愛
春花蕭疎感秋柳闥房得安神賴有椎髻婦

留別海上諸君子

副島種臣

愁由別離深歡自宴會厚君子有旨酒敬奉萬年壽
壽惟要掃愁酒是掃愁帚公等果有意宜各愛一斗
平生做禍先慎勿落福後既醉與湛露豈復在所否
夕日下西山一蟬吟高柳命燭亦將來不用計豔婦
魯酒不爲薄別懷良獨厚今當隔參商所願各福壽

陳蕃掃天下道義以爲帚邴原不解飲臨別引三斗
丈夫落落志焉能甘人後一事落人後萬事自否否
文章雖末技要壓柳州柳漫然醉餘歌浩浩驚鄰婦
歷遊至貴州惠待日見厚將復戒驪駒情悵難爲壽
天上有彗星掃愁不任帚女牛見無期遠隔箕與斗
但願各明德垂輝勿相後太皞司威令羣靈可能否
回飈飄白日寒聲入浦柳宜且慎素體愛護逮子婦
餞送惠新詩辭令一何厚情至神理暢足以梓圖壽
直情與經行終用大雅帚天下才一斛獨愧乏升斗
成佛難望先生天況在後縱令自曰好固知世爲否

新詩果何如曲比折楊柳有情難相忘還將語老婦

陳曼壽秋感二律兩次其韻奉贈

才人有福世間稀勞燕東西各自飛天憫侏儒常與飽
人同曼倩例應飢舉相勝把黃金印得句爭傳大布衣
高聳吟肩如瘦沈一心祇祝普天肥

世路而今不可行荆榛滿眼虎狼生杜陵廣廈幾時得
白傅大裘何日成講道談經爭口角倡子和汝鬪心兵
長吟永夜誰爲伴牀下寒蛩斷續鳴

百年事業三更夢萬里雲霄一鶴飛無用文章堪壽世
有情風月足忘飢桑田倏忽成滄海村酒頻叨送白衣

促膝連朝共謀酒秋高正值蟹兒肥

行行何處重行行終日尋詩長爪生迅速光陰人易老
流離暮齒志難成每觀玉宇懷廊廟要挽銀河洗甲兵
豈爲窮愁消意氣高歌輒作鳳凰鳴

和作

嘉興 陳鴻誥 曼壽

絳縣庚齡越古稀地行步履尚如飛吳門話別彌年

歲王子春與丈晤於金昌申浦重逢慰渴飢海內日添文字債

山中人老菱荷衣北窗一枕容高卧不夢裘輕與馬

肥

策杖還思蜀道行

丈擬來裝至蜀中訪方子箴廉訪

棧雲濃傍馬頭

生一尊舊雨離懷釋
黏路新詩脫口成
東閣定勞重下榻
西陲爭奈未休兵
何堪垂老又言別
愁絕天涯二鳥鳴

余鏡湖中秋夜夢人送牡丹兩盆手持曲本觀閱
醒記有飛來無飛來真飛來假飛來有無真假
總飛來數語因作偈八首見眎余走筆作偈一篇奉答

花中富貴人稱牡丹花開穠豔衆愛爭看轉瞬花落殘
紅滿地蜂蝶不鑽遊人不至尋常富貴春夢一場能立
功德地久天長是真富貴是大顯揚豈比鼠姑徒號花

王花中君子有蘭有蓮汙泥不染荊棘不損花中豪傑
有菊有梅霜中怒發雪裏頻開相彼牡丹春殘始放趨
炎附熱張模做樣處儉卽瘦處奢卽肥寒素遠避豪富
是依牡丹之愛宜乎衆矣君子觀之一花而已牡丹兩
盃飛入君夢一真一假憑君取用真卽是有假卽是無
有無真假其在斯乎夢裏飛來夢覺飛去富貴亦然有
何憑據是一夢耳何無何有要真富貴立三不朽君再
來人前身明月秋水爲神梅花爲骨夢中說夢覺身說
法忝破機關得大解脫我不學仙亦不學佛一點靈光
守之勿昧與君談禪無增毫髮聞木樨香顛興狂發信

筆疾書不知何說一笑置之皆大歡悅

送余鏡湖之揚州二律卽用其留別詩韻

夏去秋來駒隙過閉門題句翦江波
老來故舊晨星少客上揚州明月多
山色隔江勞悵望詩心懷古費磋磨
蜀岡重作登高會應念詩顛因薜蘿

花天酒地過中秋底事仙蹤不再留
豈爲芙蓉三變面翻教平子四歌愁
渡吟桃葉情何限詩賦江沱意更幽
彷彿陶朱載西子五湖一舸過蘇州

將返揚州留別玉谿吟丈

婺源余鑑鏡湖

海上逍遙數月過歸帆依舊拆江波
身隨雲水浪遊

慣思入霜天清句多逸志不知時偃蹇豪情都爲病
消磨我今頽頽君雖健莫擾風塵負薜蘿

來時春好在時秋燕子忙忙任去留異地故人成遠
夢客中明月起新愁瘦量羸馬心休苦野鶴間雲情
自幽此去重陽佳節近菊花詩思在揚州

次韻奉和萬碩卿

世清

秋懷四首

天涯到處是吾廬心定無更終與初一息尚存志不懈
百年未了俗難疎正觀均府蠅頭字忽接成都雁足書
多感故人情誼厚休教緣木去求魚

方子箴廉訪
遠寄薪水

五載未登雲起樓重來又過一中秋三更正夢爲蝴蝶

萬里誰能馴白鷗落葉西風悲宋玉南華秋水識莊周
喜君得遇長風便夕韭朝齏不待謀

江北江南來往頻秋霜秋雨幾回臻弦歌以外心無罣
俯仰之間迹已陳大海澄清人並福纖雲掃盡月重輪
杜陵底事憂時切拔劍高歌泣鬼神

朝來馳馬出林垌拂面秋風宿酒醒滿耳笙歌何宛轉
關心楊柳尚伶俜神龍戲海噓雲氣野鶴騰天展雪翎
報道乘潮出洋去鵬飛今又徙南溟

碩卿時有
出洋之役

南園雅集詩

有引

光緒三年丁丑九月十一日蔡君季白招集同

人周叔米賴惠生蔡寵九陳曼壽楊佩甫楊誠
之葛隱耕萬碩卿蔣幼節沈蒙叔蒲作英諸君
與余飲於南園爲滬濱聯吟雅集得詩二首以
紀其勝

風雨重陽過南園詩社開九秋值佳日四海聚英才愧
我同樗櫟多君顧草萊相逢非偶爾莫負掌中杯
昔作園中客回思已十年校書多歲月種樹長風烟舊
雨和今雨詩仙又酒仙狂奴顛興發拂袖舞當筵

一粟菴

人生天地間滄海渺一粟我來一粟菴賞秋攜綠玉

既聞木樨香復覩芙蓉而如此好秋光
令人生健羨
鍼鋒立國土芥子納須彌九秋藏一粟
可以賦新詩

春申君祠

說秦和楚智何明豈料棘門潛伏兵
無望成災言不聽
千秋遺恨失朱英

故城宮室盛當年祠宇今崇滬濱邊
相國千秋育血食
楚王何處聽神弦

李園女弟構奸謀應把奸奴鑄鐵囚
不見鄂王邱墓下
四囚長跪示千秋

振武臺

築耶城北起高臺抑塞心胸到此開碧海有涯萬商集
青天無際一鴻來經文緯武懷前哲攬勝搜奇愧不才
塞外風雲猶未靖夕陽無語立蒼苔

旅雁篇

旅雁復旅雁晚依蘆葦岸雁來謀稻梁雁叫旭日旦羈
人聞雁聲孤懷置冰炭思婦聞雁聲停砧腸欲斷旅雁
復旅雁年年爲我伴旅雁有時歸旅人不如雁

九日登龍華塔放歌

我曾九日登棲霞獨立吟詩手入弋江濤滾滾兼天湧
世界茫茫何處家又曾黃山頂上作重九三十六峰在

吾手仙禽奏樂白猿啼吟罷歡呼酌大斗西湖南北雨

高峰攜友登高策短筇襟江帶湖樂莫樂仰天長嘯聲

飛空綏安七載居山中每逢九日登雞籠山名提壺挈榼

爲高會少長咸集歡相從前年九日蜀岡遊酒龍詩虎

爲朋儔中有至人談寂滅海雲長老歌詩作記傳千秋乙亥九日

海雲上人招遊平山堂方子箴廉訪作蜀岡登高記余

作長歌以紀其勝同遊朱顯庭叅戎徐仁山師竹菴雨

觀蔡子壻漢卿繪去年登高萬佛樓隔江山色明雙眸

圖藏之法淨寺時逢佳節憶諸弟徧插茱萸起客愁今年登高在何處

社友邀我龍華去龍華寺塔高復高捷足先登有神助

風急秋高海面寬一碧萬里堪盤桓四大皆空了無物

身躋高處不勝寒塞上烽烟猶未息人間旦夕且偷安
可憐一髮懸巨石全憑隻手迴狂瀾不作無益害有益
學于古訓乃有獲佐時阿衡獨有心拯民水火安衽席
康衢老人擊壤歌歌動天聽愁雲多重陽風雨應時節
撫今追昔奈愁何

寄懷日本副島種臣先生

自君歸故國寂寞養餘生良會何時再新詩幾卷成千
張衍波紙萬里故人情明歲春花發論文酒共傾

劉融齋先生招飲作詩奉贈

蒹葭何蒼蒼伊人水一方東躬蓄道德壽世煥文章不

愛高官職暮年開講堂英才樂教育後學尊津梁著書
四海傳盛名千古揚我來滬上遊幸見魯靈光相遇慰
寂寥間談到家常不矯情立異接之溫且良論文尚質
實問道無隱藏十年如一日嗟予慚德涼令人起敬畏
一瓣陳心香報道芙蓉開折柬招舉觴大塊東坡肉老
饕餮貪飽嘗旨酒佐持螯籬菊燦花黃醉眼更模糊霧中
看渺茫人生貴樂志貧賤庸何傷苟得行胸臆信可齊
彭殤千秋萬歲名君子何曾忘年已躋耄耄不樂真癡
狂飲君酒一樽贈君詩一章聊以申企慕奚足計短長
龍門高且峻容我時循牆

雨窗遣懷

閉戶聽風雨申江尚客居西川勞昨夢

昨夢至成都與方子箴廉訪話

舊

東海寄雙魚

日本副島種臣寄詩箋竹添進一寄詩鈔小說

水漲薪如桂年

荒米似珠療飢有何物把卷讀三餘

神仙憐苦志籤語慰予心費用終難竭邪魔不怕侵吉

祥報忠厚開藏出黃金正大鬼神助名山事可尋

上海城隍

尊神發籤語云德台無疆厚載深名山開藏出黃金從今費用終難竭地利人和悅眾心邦上呂祖發籤云正大有鬼神之助吉祥承忠厚之報不怕邪魔小崇且看秋收冬藏又云天祐之不必用求

寄懷方夢園廉訪西蜀

往返萬餘里分廉濟我貧思君最難耐月夕與花晨攜

手何時再論文六載親狂顛能放膽禪豔尚工顰

顛訪贈予

詩有狂到顛時能放膽
禪於豔處尚工顰之句

西蜀非天上如何悵遠征借他三峽水迎我一舟行詩

骨竄愁險文心不喜平搜奇兼訪勝一月抵都城

果能如我願名不愧癡顛

別號詩癡
又號老顛

峽雨巫雲地洗花

沽酒天文翁勤化俗詩叟樂忘年何物供君賞青山載

一船

滬上新開社騷壇旗鼓張笑予忘却老喜入少年場君

去六千里詩呈三五章西樓望雁字輪轉別離腸

題痛飲哭詩圖二首爲戴飲瓢作

墨悲素絲楊泣路歧途窮阮哭時移賈悲君意云何痛
飲哭詩曰遭兵燹家集全遺思之不得滯沱涕淚繪圖
攄恨遍徵題辭余曰勿哭心誠求之三世大著彫炳陸
離流傳海內豈少人知近搜卽得遠索卽來合浦珠還
趙姬璧歸積成卷軸壽諸棗梨長留天地人人肝脾歷
劫不磨千秋可期肖子賢孫心安意怡往者不諫來者
可追酒堪痛飲詩胡哭爲嗚呼噫嚅心誠求之

我家全集早歲刊齊汗牛充棟同付劫灰淚亦不落心
亦不摧到處搜羅卷數無虧賣田典屋胡弱功開一息
尚存此志不衰功成與否聽天主裁劫固難逃志不可

回嗚呼噫噉造物忌才識字多患著書多災天待斯文
何其酷哉勸君勿哭深係懷來拔劍斫地歌莫能哀仰
天大笑痛飲千杯

題海天一笠圖爲蔡季白

鴻鑑

作

君不見古帝舜兩笠翼身脫紅燼又不見自了漢一笠
浮江登彼岸靈運有笠柄喜曲志和有笠製青箬杜甫
戴笠常遊山東坡笠屐獨往還從古名流多愛笠今見
一笠海天間天無際兮海無垠海天之中大有人上下
四旁了無物虛空粉碎得一真守其真兮出其俗式如
金兮式如玉天如一笠人戴天漫漫海水播空綠

送張君子剛之海門歌

子剛作詩得一真古心古貌如其人雉皋官舍一夕話
快人快語怡心神長歌持贈當生傳壽之梨棗傳千春
君之孝行世少比君之文藝人共企十年不見如參商
一旦重逢在江汜我愛揚州月二分年深人老作歸雲
廣陵詩社無盟主海上文園有隱君慰予寂寥時相遇
話舊論心忘放暮得句能傳太古音論文偏喜閒情賦
親存祿養不辭勞親沒微官敝屣拋不作無心雲出岫
惟思飛倦鳥還巢壺公尚有容身地巢父亦有安巢所
幕天席地居無廬天地一寒吾與汝幾枝冬柳悽江潭

樹猶如此人何堪君今欲往海門去心馳江北與江南

三九又雪張子剛賦詩見眎次韻奉酬

三九見三白絕妙好光景琉璃世界中夢幻與泡影放出大光明蓮華一味品豈無謝莊儔作賦操鉛槧欲繪關山圖何處求李范東坡有雪堂聲價齊畫錦何物賞新詩掬雪烹茗清興與君同海濱逢五稔

再用前韻贈子剛

天寒歲將暮龍公造奇景六出雪花飛風中旋絮影一白淨無塵可比端人品昔有揚子雲懷鉛而提槧先憂後樂心幾人能慕范君詩古且豔如織天孫錦笑我搜

枯腸孤負多飲茗作詩未能清聊以紀年稔

題劉融齋先生

熙載

所著昨非集

著書講道學絕無道學氣是真道學人立言警萬世

蔡寵九除夕賦詩索和次韻答之

南園十載隙駒馳生計艱辛一筆支記得花晨同訪勝

每逢月夕輒聯詩脩蛇赴壑尾難掣老鶴飛天聲可思

繞膝兒孫隨守歲今宵不樂待何時

丁卯戊辰余校書南園寵九時時相

過慰予寂寥

故并及之

劫餘詩選卷二十

婺源

齊學裴回子治

戊寅立春日題西湖載酒圖爲裴子治作

記得西湖訪勝遊邀朋載酒泛扁舟桃花楊柳爭春色

綠水青山解客愁金石叅禪尋老衲謂六舟僧詩歌入畫

集名流謂戴文節高小阮魏滋伯應敏齋飛身獨立吳

山頂快似神仙到十洲

夏山欲雨泊西湖一幅天然好畫圖南北高峰雲突兀

東西古剎影模糊六橋烟景詩難寫五柳居帘酒可沽

上下隨波恣遊泳笑同泛泛水中鳧

觀潮八月赴錢唐秋到吳山出豔妝靈隱寺前楓葉赤
飛來峯下菊花黃禪心相印三潭月豪興振衣千仞岡
多感羣賢修舊好高歌痛飲過重陽

晴湖不及雨湖好秋景那如冬景奇雪擁孤山通也臥
梅橫疏影鶴先知酒龍詩虎逢今雨海濶天空似昔時
老去披圖思往事春朝呵凍爲題詩

蒲君作英華茂才畫竹見貽歌以贈之

蒲君畫竹真是竹節勁心虛氣清肅一竿傑出高復高
風吹鳳尾搖天綠一叢淡墨一叢朱映帶清流竹不孤
中有石丈清而臞左顧右眄如相扶老竹如龍屈不舒

新竹嬌嫩難描摹君具神通之妙筆隨意揮灑無不如
此君何可一日無高人與爾情相符古來畫竹稱文同
同有成竹在胸中東坡畫竹如作字葉肥枝瘦趣無窮
有元畫竹推吳鎮風雨雪月分四品一段竹間一段詩
詩題竹意皆相印西空老人竹亦高雲水濛濛籠竹梢
竹轉風耶風轉竹禪宗論畫何其超宋白民號西空老人每以禪語題自
畫竹真神品也善畫竹者不知數聊舉一二與君語觀君畫竹
如畫虎執筆直將全力鼓一彈指頃十幅成瀟瀟颯颯
驚風雨神乎其技一至此大都書味爲之耳君今畫竹
贈兩竿一朱一墨形神完祝我長壽和平安

君題畫竹長壽平安

四字故長歌奉贈愧我頑高縣草堂之素壁清風習習
并及之來松關

人日雪作詩遣興卽用蔡季白員外贈詩原韵

人日雪漫天幽居意豁然尋梅思孟浩搜句憶坡仙魯

酒甯嫌薄天泉更覺鮮清貧真可樂閉戶校遺編時校先集

以待重刊

桑田變滄海畫舫繫名區貪看二分月流連三泖湖完

驅猶自在破硯未曾枯愧乏如椽筆那能風雨扶

元宵小雨蔡君季白招飲卽席賦詩用孫子與元

宵遣懷原韵

雨打上元燈有例休言佳節是虛名

子與詩語

滿天雨意將

花潤遍地燈光賽月明寶馬香車似流水酒龍詩虎鬧

深更唐虞之際斯爲盛盈耳簫韶奏九成

是夜觀劇

徐逸生贈詩次韵答之

日坐隨安室裏愁聽雨雨風風一笑五湖漁父而今老
到成翁

徐孺曾下陳楊花潭難比情深我借筆端游戲何云如

玉如金

惠詩有惜墨如金之語故及之

寄懷方夢園廉訪四川

相期攜手縣車年七字感人心版鐫知己那堪久離別

夢魂無夕不西川

井南精舍詩壇開短句長篇互往來今日申江感離索
誰憐莊叟不才才

西江一勺活窮鱗惠我如君有幾人豈是寄書長不達
如何音訊久沉淪

恨無雙翼凌風去峽雨巫雲一瞥過重到騷壇整旗鼓
爭奇鬪險快如何

元宵喜晤蔣幼節于蔡季白席上

揚州同看二分月海上重來釣六鼇年富正宜圖仕進
休教詩酒誤英豪

南園琢句十年過當日主人隱薜蘿

謂應敏齋方伯

幸得中

郎招舊雨元宵相對發高歌

去冬吳下獨尋幽秀絕湖山戀舊游料得錦囊佳句滿
可容老朽一觀不

以吾一日長乎爾交結忘年情更深老我無能徒作客
消磨歲月借詩吟

玉溪仁丈以四絕句見贈次韻奉答卽請教正

蔣節

幼節

詞源直欲傾三峽老筆真能策六鼇只爲清名謝庸
福一生詩酒興偏豪

劫餘詩選

卷二十

四

高軒舊雨記相過方伯朝衫換薜蘿

謂應敏齋先生

一自

南園談藝後風光偏愛竹西歌

楓落吳江艇子幽蘇臺麋鹿我同游不知袖底新詩
本還肯丹黃甲乙不

螭屈求伸恐未能一言勗我感君深草廬那有閒功
業肯廢平生梁甫吟

正月廿九日日日本西塘北方兩詩僧過訪西塘口
占七律一章見贈次韻答之

西來大士證前盟粉碎虛空心自清萬事到頭都是夢
一生防意要如城良緣湊合天爲導好句敲推日放晴

敏捷奇才今白也與酣落筆似奔鯨

再次前韻奉酬

東海騷壇孰主盟論才似爾可言清
引入勝開詩教慙劫不磨遇化城
叢帖叢書供賞鑒一觴一詠叙新晴
何當結伴乘風去笑看洪濤舞玉鯨

附錄原作

日本松 曄西塘

一從萍跡結鷗盟但覺豁然胸裏清
談道韓公通理窟論文蘇氏破疑城
橋邊楊柳憐春色籬畔梅花放嫩晴
東海何時伴君去雄毫飽看掣鯨鯨

孫子明明經送牡丹兩盆詩以報之

居然富貴逼人來紅白爭妍帶雨開國色遙臨欣有耀
禿翁相對愧無才清平快聽青蓮奏謂子稷豔偏教白
石陪頓覺茅齋增氣色邀君同覆掌中杯

孫子明贈詩倒用其韻答之

張冠李戴未分明孤負名花送我情留待他時作佳話

玉昆金友本齊名

子明送牡丹余誤認子與所送子明寄詩因知是誤

老眼看花久失真寒門羞與鼠姑親惹他富貴花含笑
貧得衣珠喜煞人

蔡君季白以英石舊磁四品見貽并贈長歌倒次

其韻奉酬

鮮新翡翠兼蘭茗難與中郎訂石交我家舊藏三代器

劫餘長物付兒曹商彝周鼎遭兵燹秦漏漢燈差免嘲

秦丞相府壺漏漢五鳳二年林華觀行燈更有古磁圓若月潤澤可鑑如瓊

瑤虎符龍璧今尙在夜光燦爛除塵囂十年前得海浮

石華岳三峯飛遠郊石贈應敏齋方伯尙畱三石置座右斗室

靈氣盤嶠嶢觀音之峯人奪去六舟上人朱衣起舞騰

光燦狼山所得吳陵得一崑山石峯巒洞壑浮漚泡色白如

雪常架筆無疵不怕人吹毛長伴風硯奔南北騷壇往

往爭奪標邇來蹉跎負歲月感懷離索勞同僚方子箴

懷詩有寂寥黃浦畔離索錦城隅之句故及之茅簷忽地出光怪舊磁英石來

蓬蒿縹透平岡與疊嶂
厚重酒甕和水瓢置之案頭光
奪目龍宮珠貝敢聯鑣
寒門尙質不尙侈寶物何足供
揮毫不能還山得山趣
鳥鳥擊缶風蕭騷服君詩筆具
眞力不可驚動如山苞
斜風細雨客心迴楊柳桃花春
意饒天晴邀君西湖去吳山頂上同觀潮
劫餘登眺多感慨吐氣如虹冲九霄
年富才高當出仕乃甘壺隱志
何超君室名壺天災流行滿西北哀鴻無數嗚嗷嗷知
君早發慈悲念傾囊普濟眞賢豪

丁丑暮冬客滬上得晤玉溪老先生蒙以大作法書
畫見貽殊深感佩今特以靈石兩峯及古磁二器奉

酬并媵拙句二十六韻

四明 蔡鴻鑑 季白

玉谿老人詩中豪酒酣往往狂嘯噉行年七五猶鶴
立丰神蕭灑情且超足蹟萬里胸萬卷奇氣磊落干
雲霄文章著述等身富洋洋蘇海與韓潮奇書盡讀
石室祕古簡遍窺蘭臺饒淵源家學實有自掩挹眾
靈萃元苞豈獨老格窺唐宋直將勁筆追風騷更看
餘技亦無匹虎頭三絕擅揮毫才名卅載重宇內詞
壇跌宕誰聯鑣江山到處作寓公主持風月憑詩瓢
在昔東南遍烽火兵戈滿地連蓬蒿餘生虎口竟無
恙罵賊不死驚羣僚

事見方子箴方伯所撰公吳門出難記及劫餘詩選中

卽

今飄泊寄海上依然傲骨長松標昂首天外謝拘束
睥睨一切皆鴻毛禪機叅透覺中覺住世遊戲悟浮
泡昨朝示我劫餘編劍氣烟燦珠光燦浩似黃河捲
波濤巉如太華矗岩堯一讀三嘆頻擊節低頭逕拜
東野郊邇復貽我書畫幅烟霞滿紙絕塵囂佩公佳
惠辱公賜報之愧乏英瓊瑤知我嗜古久成癖聊持
數物作解嘲吳郡從事何敢擬毘陵處士或其曹
休局吳郡從事以五物寄
毘陵魏處士璞有五賦詩倘許拱入清閨閣當與風
硯訂石交
公有風字硯失後重得
曾作硯還調以紀之他時再覓好東絹
乞公重爲揮蘭茗

孫子明送牡丹余誤認孫子與所送子與寄詩辨

誤走筆和之

朝聞剝啄聲北窗高臥起倅來把刺投蠅頭字滿紙眼
花字不見云是孫公子送我牡丹花冒雨携至此紅如
西子唇白似楊妃指白髮對紅顏老醜都忘揣盛之以
沙盆灌之以江水位置隨安室開口笑不已老去惜餘
春清興伊胡底惹得花含笑龍鍾不知恥何物件名花
一硯而已矣常生歡喜心不知其何以優鉢現曇華那
得不歡喜拈花發微笑吾不隱乎爾豔禪在指頭指從
臂所使富貴非吾願何曾慕朱紫願來富貴花賦詩昭

正始愧乏瓊瑤報一律酬佳士爾音胡金玉今人思彼
美誰知中有誤在已不在彼邀君君不來家釀空浮蠟
禮原尙往來不來無此理忽接子明詩乃知其中旨李
戴張之冠昨非而今是子與詩又來讀之笑啟齒自誤
非人誤此錯知何似旣得傾城花不求無核李陽春白
雪曲和豈容巴里記事聊解嘲不暇計多鄙海上騷壇
開待君執牛耳

前寄詩意有未盡再成五古三十韻以達之

來安孫 點子與

春色困人時清晨初睡起忽報送詩來淋漓墨滿紙

詩翁認是誰星江齊老子謂予贈牡丹謝以詩如此
讀罷意茫然不解何所指亟呼阿兄來此事真難揣
日前遊雲間渺渺春江水已是婪尾天及時烏可已
遊倦賦歸歎回舟已月底未識此花面受謝真堪恥
且使花主人深情轉隱矣攘竊他人名弟實不屑以
阿兄一聞言不覺發狂喜弟欲知其故我且明語爾
弟去吳君來同舟遇花使贈以花兩枝姚黃與魏紫
吳君誠解人轉贈自我始我又貽齊翁名花匹名士
我贈爾得名一舉而兩美同借花獻佛曷問此與彼
只索訪顛翁把臂燒綠螳我聞豁然悟頓解其中理

憂心倏然來請爲言其旨無功受上賞今古習如是
僥倖得成名通人所不齒今此富貴花得毋與之似
恐被他人笑張冠竟戴李吟罷復長吟凡聲慙下里
寄呈几杖前翁其勿予鄙予豈好辯哉予不得已耳

吳子弓

紹箕

明經浙東衢州人劉融齋先生之門

下士也閱余和孫子與三十韻詩次韻見贈感
其意再用前韻奉酬

久聞吳君名令人敬畏起今讀寄懷詩陸離光滿紙學
通天地人讀書真種子道德五千言心藏無過此一生
用不盡天龍豎一指實心行實事固陋不自揣天地一

沙鷗飄飄浮海水萬里誰能馴出沒無時已天高望不
極水深難見底浩蕩天水間清潔有何恥心逸與鷗同
其樂可知矣豁然心地開箇中自有以平生百無能一
懶聊自喜河海遍論交忘情到我爾動卽與天游不爲
世所使蜂迎江上青氣望函關紫物必求本末事必窮
終始有志恨未逮那得爲善士君真一成人文行無不
美我本一朽木梓人難斧彼滄桑眼底過紛紛如鬬蟻
春去讀周易難明消長理四大皆空乎願聞談大旨世
界一空花而人卻非是不見古明賢今人常挂齒名士
與名花壽命長相似今因賦名花得交謫仙李讀書破

萬卷行路輕萬里贈我一長譌不以我爲鄙嗚呼我知之劉豔嗜痴耳

戊寅初夏齊翁子治以五古三十韻復和孫君子與余因隨韻次之知不足供大雅一喙也卽希誨政

衢州吳紹箕子弓

連閱老翁詩詩興勃然起舉筆偶一揮深情盈幅紙借問和者誰云是箕奴子來自浙之東學遊因至此夙聆大雅名示還祈掌指區區意自陳櫛味殊不揣翁詩得天填洋洋如江水轉輾捧誦之釋手焉能已波瀾老渾成蛟龍走筆底乃知雕琢者精巧徒遺恥

淵明本不工一真而已矣先生能率之此中良有以
高臥北窗前逍遙彌自喜柳下有遺風我我復爾爾
不爲世所羈蓋爲天所使翻宮久得真一白與九紫
靜裏閱乾坤萬物統資始偶爾得名花培養成佳士
再合酒與詩自然具四美世界總花花何分此與彼
富貴冷灰乎世事如磨螳四大本皆空太極確有理
動靜與陰陽誰悟濂溪旨我今胡爲乎實事以求是
王愷與石崇何須挂頤齒但恐詩不真虎賁徒貌似
旣慚老杜才復愧青蓮李啍啍復啍啍巴人誚下里
因爲知者陳不計他人鄙道德五千言長年欽李耳

暮春雜感用子弓見贈詩韻

纔得迎春又送春，劫餘重作太平民。
家徒四壁憑空立，果熟千林久結因。
非惠非夷非佛子，好詩好畫好成人。
行年七六心猶壯，還要遠游尋古津。

我愛光明磊落人，同聲同氣喜相親。
安能鬱鬱久居此，徒作蚩蚩垂老民。
巫峽雲山都入畫，浣花詩舍可棲身。
淵明乞食成千古，願學淵明保一真。

秋間擬入蜀訪方夢園廉訪

苦吟終日閉柴門，時有嘉賓就討論。
每把寄懷佳句讀，難忘疇昔綈袍恩。
非金玉心常迴報，乏瓊瑤喻不言。
歷劫視田多惡歲，那堪撮土失培根。

方廉訪寄懷詩云：愧乏瓊瑤報人嘲。

觚不觚故
并及之

險阻艱難嘗至今如如不動賴頑心力平火性恐多事
長聳山肩耽瘦吟白日青天防愧影高山流水念知音
浙東名士貽新茗助我詩清感惓惓

吳子弓贈新
茶故及之

拙作蒙和夫何敢當書成四律并奉新茶一串聊酬
厚意肅祈玉谿老詩翁前輩教正

衢州

吳紹箕

子弓

拍拍襟懷盡是春羲皇儔侶葛天民行來雲水渾無
礙閱到滄桑信有因卽佛卽仙卽名士宜花宜酒宜
雅人怡然黃髮饒真樂可否桃源許問津

曰余本一不情人偏得孫郎愛且親爲說先生風雅

土羣欽太古葛懷民千年黃石不磨性一片白雲自在身晨起對花讀周易箇中意思自家真

連年擔負赴龍門千里從師莫漫論老母六旬虛仰事幼兒三歲繫深恩塊然獨立脫然笑濫不交游嘿不言閒坐書齋了無事心地栽培一寸根

壯游忽忽到而今千里雲山一縷心百事無成空浩歎三餘有暇偶間吟欣逢大雅能容物敢謂高山已識音拙作尙多容就正清茶聊已表微忱

子明長歌見投三次前韻奉答

子明可言詩得句令予起滔滔三百言英光騰素紙纍

累如貫珠子雲譔吾子問年甫及壯絕詣已如此良由
功力深百煉成繞指好學兼深思詩源知素揣筆掃千
人軍詞流三峽水雲起海天秋雨勢來不已詩思亦如
之情深惡見底夫詩以言志有志便有恥卽事發長謔
樂在其中矣人生天地間固躬必有以人與天地參云
胡不大喜心喜聲之詩倡予而和爾爾我情相投豈從
詩所使春日百花開千紅并萬紫今春動吟興投我牡
丹始牡丹何處來來自浙東土

吳子弓贈子明牡丹二
株子明轉贈於子子誤

認子與所贈
故有此作

一花易三主二難具四美張冠忽李戴自

誤幾負彼幻出詩往還如旋磨上螳清言霏玉屑濁醪

有妙理此中真意味閒者方知旨同作詠花人誰非而
誰是倏忽花亂飛殘紅沾屐齒春夢了無痕到處知何
似不處嫌疑間須避瓜和李晚節末路難勉哉行百里
誰能爲遠謀休嘲食肉鄙與君同賦詩各寫性情耳

原作附錄

來安孫 照子明

申江十餘年舞劍聞雞起周旋四友中筆墨與硯紙
淑性陶情事大半毛錐子嗟余十年前尙未能樂此
骨月歎流離往事堪屈指舉目望鄉關寸衷竊自揣
少壯能幾時光陰去如水春去夏復來感慨情難已
後事如滄海茫茫不見底然此何必慮行已須有恥

豪傑貴識時如此已足矣况值賢達人師資良有以
年高德彌劭一見令人喜窮達兩不關君子猶猶爾
有時或弄孫孫亦解頤使有時或敲詩詩秀勝芝紫
凡耳先生名皆請自隗始此固胡爲者以公能造士
一片慈悲心皆是成人美矧我親炙久安得不如彼
私心一瓣香有如羶引蠋祇因館課嚴省安未暇理
不然公不棄豈不願承旨雖然如此云究竟總非是
惜花聊獻佛原無足掛齒又蒙命和詩狂喜米顙似
願公藥籠中收我作桃李庶幾附驥尾名不囿鄉里
得爲先生徒世孰敢余鄙從公名益彰但願如是耳

題乘槎泛海圖爲李繡谷道隆作

蜃樓海市豁雙眸浪駭濤驚作壯游一統萬年清世界
片帆飛渡到滄洲

修竹數竿編作船乘風破浪快如仙軍情探聽饒調唱
手把紅旗報九天

戊寅四月廿七日龍門書院與劉融齋先生并其
門人吳子弓孫子明孫子與諸子談論陰符經箋
註回寓見子明和詩三十韻情文粲粲有感於中
四疊前韻作詩答之并呈融齋先生

老年好吟詩夢醒披衣起喔喔雞初鳴磨墨還伸紙執

筆書所懷難忘二三子騷壇逢儻將精銳有如此我欲
曳兵逃恐被人笑指努力與周旋勝敗不暇揣海碧與
天青高山和流水而我居其間逍遙游未已藝海茫無
邊道藏深無底獨學無友朋孤陋其堪恥何事樂余心
讀書而已矣孫康好讀書硯穿良有以讀書種子逢焉
得不歡喜顧予慚德涼何能益乎爾憂患爲生機窮通
聽天使頗愛出藍青深惡奪朱紫晏子善交人一敬全
終始龍門慕執鞭不愧爲賢士名師與高弟盡是東南
美我樂與交游醅醪甘酌彼學者貴精勤時術之如蠅
偶閱陰符經討論道之理思之復思之鬼神通奧旨莫

訝箋者非須求悟者是一得解真言不忘到沒齒切磋
而琢磨此樂知奚似劉向傳經師門前盛桃李擔簦負
篋來不遠百千里論交十餘年愛我忘我鄙何物致吾
忧心香一瓣耳

劫餘詩選卷二十一

葵源、齊學裘 子冶

吳門金君葆珊同寓滬上詩以贈之

金君葆珊吾故人，僑居海上同仁里。濟人施藥安期生，書畫傳家趙承旨。吳門在昔富收藏，亂後惟存吳道子。

阿彌陀佛立一尊，佛頂寫經畢。良史吾見吳畫第二張，

竹林大士堪比美。高郵大佛寺藏吳道子紫竹林中觀世音巨幅，余友左清石太守重裝，余

題款于軸右，與阿彌陀佛相似。我藏唐畫有邊鸞，百鳥朝皇妙無比。古

來花鳥開其端，後代徐黃得其理。與吳同是貞元人，千

百年來淨無滓。金題玉跋宋與元，維持呵護勞神鬼。一

雙白璧無纖瑕希世之珍可稱矣巨眼有瞳當識之拍案驚奇歎觀止不遇知音莫與談苟非其人勿輕示

長安李紹白

恩翰

明府罷官來遊申江以醫濟世

工詩善書年七十三行走如飛重晤夷場作詩贈之

長安宿士紹白李書追陽冰詩子美不爲良相爲良醫濟世活人心如水挂冠去職走天涯年逾古稀行如駛家徒四壁立蒼茫詩定千秋昭正始江南江北偶相逢十七年過一彈指余年七六顛復顛終日扶筇游海市只愁搜句未盈囊那管空庖有無米車輪如水馬如蓬

舉國若狂究何以歌臺舞榭聲震天長衢夾巷人如蟻
道逢故舊邀還家話舊論心笑不已相邀觀劇天仙園

同賞璧人小貴子

伶人小貴壽色
藝俱佳紹白云

醒顛癡歌

有序

歙縣王雲樵別號醒顛痴年五十九繪事通神好
唱道情用以勸世來游申江書畫爲業余聞而訪
之一見如故讀其畫卓然大家愛之重之因作歌
以贈之

吾鄉黃山王高士生長三十六峰裏一枝畫筆本天生
大法荆關小師李興酣揮灑成雲煙斗墨噴出大小米

一聲長嘯作鳳鳴高唱道情驚俗耳問渠何號醒顛痴
笑而不答良有以嗚呼噫嘻我知之真言喚醒顛痴子
我仗顛痴過一生遇醒顛痴不勝喜我好作畫六十年
不期晚歲逢知己湯貞戴文侯雲黃穀去世久同儕畫
友今無幾今見雲樵眼忽明長歌奉贈慚把墨雲樵六
法希世珍寄語世人勿輕視

戊寅正月初二日于漢卿壻五十初度口占一律
寄予索和次韻二首報之

人生事事皆前定舉世何曾與我違養志樂天今自是
炫才負氣昨真非塞翁幸遇途失馬陶令欣逢風拂衣

初度生年交大衍梅花數點天心歸

古來材大難爲用自下人高事少違涉世惟求自己是

交游莫管他人非庭前教子論經義堂上娛親舞綵衣

日敘天倫極樂事遠游雖好不如歸

漢卿時有袁江之行故及之

附錄五十初度口占原作

文登于昌遂 漢卿

不能諧俗已成性莫怪遭逢事事違便到百齡一無
是空知四十九年非多男難了向平願將母惟餘萊
子衣看取梅花紅綻否開園明日迓春歸

題趙子欽伴山圖照

人生行樂須及時吾非斯人而誰與君來眎我伴山圖

劫餘詩選

卷二十一

三

頓令愁縈默無語我年六四繪還山

還山圖

今年七六山

未還紅塵奔走謀衣食惹得山靈笑我頑書生有志事
戎馬勤勞豈願居人下隼翼生憎斥鷃披虎威深恨妖
狐假君胡有山不早歸偏向畫中伴翠微君言有志尙
未建難免山中猿鶴譏南山入畫明初志

北闕上

書籌

國計他日功成歸故山與儂結伴吟山翠

李紹白明府贈詩次韻奉答

與君同寓築耶城老去難求舊友生惠我分書古且勁
裝池高挂草堂楹長哥何啻百朋錫陸離彪炳如玉瑛
讀破萬卷行萬里筆端風雨飛秋聲子同罷官不歸去

釣釣去餌投滄瀛存物惟存毛穎傳結交先結孔方兄
瓦缶雷鳴黃鐘棄蟬翼爲重千鈞輕咄咄怪事置勿論
且喜荷香到骨清今夕只可談風月洛陽何處尋耆英

附錄原作

北平
李恩瀚 紹伯

昔我干役崇川城班荆始識玉谿生家學淵源善紹
述詩才卓犖富鑿楹上接風騷下唐季宏奇瑰偉羅
琬瑛褒然成集稱富有擲地直欲作金聲詎知一瞬
廿載別邂逅復遇申江瀛問年古稀復晉六長余三
歲余之兄愧余作吏橫被黜于今方悟功名輕蒙惠
篇章容什襲年華愈老律愈清何日與君拚一醉酒

酣耳熱呼紫英

來詩有伶人戲語故併及之

題張子岡丐樂圖照

人間是何世極樂在卑田既無家室累何來兒女纏饑
來一鉢飯困來展腳眠枕流以漱石席地而幕天上不
負官糧下不欠人錢家具盛一籃瓦罐和破瓊沿門唱
道情得錢便沽酒酒酣耳熱時大笑誇富有萬物生乎
身宇宙在乎手明月釣詩鉤清風掃愁帚簸揚把南箕
酒漿酌北斗村郭起炊烟皆容我消受獨往而獨來無
拘復無糾十洲三島仙其樂有此否相彼趨世者利鎖
與名韁患得復患失奔走日不遑位重金多人心身爲

誰忙一朝時世移悲風吹白楊榮華五十年邯鄲夢一
場君似張志和親亡不復仕釣鉤不設餌志不在魚耳
又如陶彭澤長歌歸去來在官八十日因事順心回幼
稚苦盈室乞食吟徘徊君畫丐樂圖徵詩遍湖海英俊
居下僚事業期千載富貴不可求丐樂不可改我亦一
詩丐忍飢得自在知足固不辱知止自不殆年已近耄
耄不樂將何待題君丐樂圖消我胸中礪

次韻和朱曼君見懷之作

心似浮雲自卷舒閒游海上跨疲驢老年蹤迹萍和梗
亂後生涯畫與書蜀道難行愁白也

曼君勸勿入蜀

茂陵病渴

念相如

曼君年少多病故及之

多情最是王摩詰要勸襄陽返舊

廬

曼君來書勸予歸陽羨故及之

奉懷一章錄上鑒教

泰興

朱銘盤

曼君

拂拂旌旗夕照舒江頭歌笑獨騎驢春風海上三年
客遠道空中一只書老去看雲情不減夜來落月夢
何如懸知十丈紅塵外陽羨山中有傲廬

六月廿四日也是圍觀荷作詩遣興

七十二鴛鴦田田葉底藏淩波仙子笑高唱禿翁狂海
上有三島人間無六郎例應茶當酒蓮社不稱觴
一花一世界一葉一如來不解此中意白蓮安肯開神

仙原有國明鏡實非臺出不汚泥染花中君子哉

滙上喜晤戴子綬縣丞

龍章

詩以贈之

十九年間三覲面萬千劫裏兩勞人仰天大笑傷懷抱
斫地高歌泣鬼神君當年華事戎馬我慚老瘦走風塵
何時同作還鄉計日對沖峰理釣綸

贈陶篠峰

世路崎嶇不可說一十九年三話別舊題行腳圖尙存
昔日朱顏今白髮吳門出難羨君先我陷危城近一年
投樓不死罵賊活滄桑過眼如雲烟吳陵避地不期遇
話舊嘻噓索題句

爲題行腳圖二絕句

爲我寫照繪還山流離作

客傷遲暮道遙行腳去何方我來邗上平山堂廿四橋

邊二分月往還八載獨徜徉井南詩社無盟主

方子箴廉訪入

蜀陳臬井南詩社遂散

我亦携琴返黃浦閉戶忽聞剝啄聲一笑

相逢來舊雨滿徑蓬蒿一草廬留君餐飯愧無魚再求
曹霸傳神筆爲寫海天長嘯圖

方正學先生名印歌爲周叔米茂才作

正學先生人申傑纂字一書十族滅成王安在語未終
遂彼敲牙兼拔舌今見先生一名印質是貞珉體方正
流落人間五百年今歸周子徵詩證先生書畫今猶存
先生手澤世更珍物以人重自寶貴守者慎勿輕示人

先生文章妙千古讀書種子能繩武余友子葢倘見之

燕沐乞歸供祠字

六子葢大令先生後裔作宰江西故并及之

我曾圖繪三

印緣歌詩作紀多時賢飛來劫火歸烏有只剩印緣詩

一篇

昔年予得方正學楊椒山黃石齋三忠名印繪三忠印緣圖遍徵同人題詠後毀兵燹

又曾

印得于忠肅付之于壻

于昌遂

藏諸櫝今題方印發狂歌

先生有鑒當感觸

祝吳子敬封翁盟兄八十壽

子敬先生葛天氏民八千爲秋八千爲春生年八十浩
氣無垠持已以敬存心以仁扶危濟困愛衆和親致中
致和克儉克勤芝蘭氣味龍馬精神工書善畫風雅絕

倫光前裕後高昌里門刀兵水火不壞金身頂天立地
一代傳人教子義方國家柱石太史一書仲舒三策
光爭日月名垂竹帛先生之教有典有則孫曾繞膝玉
樹參天積善餘慶世祿綿綿烝以靈芝潤以醴泉晞以
朝陽綏以五絃羨門比壽王喬爭年與我交遊將近十
載義重如山情深於海我喜觀心得大自在君喜行腳
風雨無改真地行仙無望無礙君居京江我居滬濱一
水盈盈雙魚傳牘指日登堂介壽稱觴金焦供養悠久
無疆

送張子岡返金陵

老友真難得那堪又送君伊人隔秋水鎮日悵離羣白
下恩薄萊江東望暮雲明春重到滬尊酒細論文

寄懷梅源諸兄弟

千里家山夢在還何時真箇返家山八旬兄弟遙相望
燕去鴻來涕欲潛

亂前書帖付烽煙亂後見聞海外傳更有一端堪自喜

龍川文集手重鐫

宋賢陳龍川文集三十卷爲應敏齋方伯校刊丁卯戊辰二年畢工

田園寥落干戈後骨肉流離道路中一十八年嘗此味

愁聞斷雁叫西風

不解家人生產事承先啟後百無能畢生心願何時了

還是吟詩可以興

服疇食德守梅源萬樹梅花香滿村何日攜家賦歸去

太平窩裏長兒孫

陽羨田園有若無先人邱墓傍西湖

在溧陽戴埠山下西泖之邊待

到遺編全付梓誅茅謀築墓旁廬

離別家鄉卅二年滄桑眼底幾更遷艱難險阻嘗之備

博得顛名四海傳

功名富貴光家國要有聲名世上誇我在山林無建

白甘心淡泊厭繁華

前身我是老頭陀寂照菴中昨夢過時有高僧來過訪

談詩論畫樂如何

湖海論交六十秋誰知日本出名流西塘副島竹添外

更有拜山才學優

日本拜山屋倒折臂卽以臂骨裝筆左手書畫精妙無比袖江南游草過

訪求序書以應之今已刊行中外矣西塘日本高僧工詩詞副島種臣日本故將軍能詩工草書竹添漸卿日本大吏工詩

文皆名士也

世間難得弟和兄老不思鄉太不情待到東風來借力
片帆飛渡返柴荆

送余鏡湖編脩返江堰卽用其題海天長嘯圖小

照詩韻

拋却黃山峯六六扁舟一葉來江濱無心出岫雲濛濛

舒卷自如有何辱酒樓去歲同君登吟詩贈別秋濤生
一水盈盈不得語寄書未答令人驚君抱微痾常少樂
客居江堰愁離索書遲作答豈寡情管城多被病魔縛
靈光不昧脫根塵自去自來物外身神交何必形相對
爲我題圖意率真虛空粉碎萬千劫月在波心向誰說
劃然長嘯海天空吐氣如虹真快絕胸無罣礙興自豪
浪靜波平風不號明朝打槳渡江去坐看萬里飛雲濤

題玉谿吟次海天長嘯圖小像

余鑑

星江老人七十六昔居陽羨今遍瀆鴟泥海上幾經
年飄然世外無榮辱我聞善嘯有孫登一嘯萬壑松

風生胸中奇氣此發洩不鳴則已鳴則驚老人長嘯
殊自樂但借謳吟破蕭索神遊八極萬緣虛笑傲滄
洲無束縛本來妙質空析塵圖中卽是夢中身造化
爐鞴筆能出莫以贗者誣其真况復餘生經浩劫浮
雲富貴何足說舉頭四顧皆虛空自鳴天籟獨清絕
展君圖畫識君豪高唱不作寒蟲號天空海濶一廬
耳詩成咳唾驚風濤

戊寅重九寄懷方子箴廉訪西蜀

乙亥蜀岡作重九海公招陪夢園叟

法淨寺住持
海雲上人

伊蒲

饌設平山堂隔江諸山盡低首夢叟作記我作歌絲箋

書罷付頭陀酒龍詩虎開口笑笑我豪情老不磨

同座朱顯

庭徐仁山師竹菴于漢卿

今年重九樓漚瀆卧病閉門感離索故人

遠道念枯魚時汲西江頰一勺八十年華欠四秋相如

四壁風颺颺奇窮不懈刊書志日抱遺編哭不休

先人全集

無錢淵明籬下菊花黃白衣送酒過重陽我今無花復

無酒天賜蘭孫喜欲狂

其母夢蘭而生字曰夢蘭

夢叟聞之應亦喜

喜我添孫娛暮齒君家積善有餘慶子又生孫孫生子

箴翁早得曾孫故及之

題陳紉齋畫牘

久耳紉齋名未識紉齋面紉齋造畫牘南北兩宗殿比

之芥子園筆法更精鍊石史與我言惜我未之見袖出
紉齋書深感紉齋戀索我題畫贖才慚無襖線劫餘記
見聞畫藝游之倦天地爲我師古法終無變下筆如有
神讀書破萬卷紉齋示六法散花驚絕豔結習若未除
著花身已遍引人入化城萬朵蓮花見後學得津梁畫
贖千秋綯

九秋詩 少作

秋水

徹底清如鏡紛紛映荻花橫波擬西子妙諦想南華冷
浸秋山碧寒流雁陣斜伊人欣不遠好爲賦蒹葭

秋瀑

秋雨灑山中奔泉勢轉雄
百重飛作雪一道化爲虹
峭壁苔湔綠清潭月照空
俗塵憑一洗吾意亦何窮

秋寺

縹緲雲間寺嵐光四面籠
茂林含雨潤傑閣插天空
塔影眠斜照鐘聲遞曉風
歸僧屢敲月景象畫難工

秋塘

拂水蘋垂楊蕭條十畝塘
空留春草綠已減菱荷香
霜葉逐風墮蒹葭搖月涼
惜無擎雨蓋愁煞兩鴛鴦

秋琴

獨坐鼓鳴琴修篁一徑深平沙羣雁落幽砌小蟲吟一
縷香縈篆三更月滿襟尾聲猶未了山水奏清音

秋燈

落落無知己孤燈尚可親長依讀書客慣照別離人繞
屋疏星動窺簾秋月新蟲聲聽不住挑剔賦詩頻

秋鏡

秋鏡似秋月開奩驚客心誰云子非我自覺昔殊今積
水一潭淨新霜兩鬢侵定知遲莫感幾許白頭吟

秋菜

食肉者多鄙秋蔬繫我情長懷挂冠客獨自念萁羹解

得根有味何愁事不成落蘇尤可愛能助長官清前人詩云

莫道落蘇風味少

齋前曾助長官清

秋漁

一棹悠然去煙波清且漣賣魚來小市把酒看長天網
曬青菰外人歸秋柳邊孤燈沉遠浦有客正愁眠

題衛鑄生掉首東游圖

日本多名流樂與我爲友副島好吟詩和韻常八九草
書如雲煙不肯落人後竹添善作文記游柳州柳西塘
詞最工味比耆卿厚拜山左腕靈書畫妙無偶邀我游
東游飲我百花酒我心欲從之無奈成老叟君年正富

強東游圖掉首入法宗二王雄強無出右海內素馳名
戶限踏裂久東坡游海南書法追响嘖怪石與枯槎筆
端無不有君今日本去筆掃千軍負待君得意回邀君
酌大斗

題楊南湖語石圖照

南湖語石圖示我索題句我心比石頑那得點頭悟
語石究何語問君君忘言想是三生石相遇舊精魂
視之各有形聽之實無聲我佛發微笑拈花示眾生
石是無言師君亦可無語守默保其真空言有何補
君曰否不然我言合語石相印以心心無損端有益

畫作語石圖縣之畫禪室偶居而無猜石交最深密
畫石不解語獨立殊嶙峋石意在言外服君筆有神
我好與石居更好與人接四海聚一堂清言羅玉屑

玉谿先生惠題語石圖八絕句次韻奉和

嘉興楊伯潤

南湖

讀君語石詩箴規寓妙句守默保其真大道從茲悟
君以有聲詩易我詩無聲相將入空谷趺坐證平生
世情多崟崴緘口終不言惟有金石契相思縈夢魂
人間缺陷事問石石無語如何文媧氏浪傳天可補
不言亦可入寒山一片石層舌露鋒芒有損而無益

石丈吾老友忘言共一室紛紛勢利交時疏忽時密
賤子耐長貧風骨甚嶙峋水流終不轉完足氣與神
攤燭和君詩言笑如相接君句走珠圓我辭雜沙屑

董策三農部封廷過訪贈之以詩

文臺高會三年別

丙子秋策三請方廉訪文游臺餞別余得叨陪故及之

黃浦相

逢大快哉同坐蕭齋話疇昔井南社長係懷來

四愁漫用歌平子三策應看舉仲舒他日出山無別望
便中多寄數行書

君慕新安好山水與君仔細說黃山到者方知說不信

黃山獅子林寺二額

說也不信到者方知別開仙界非人間

劫餘詩選

卷三十一

十四

輓余鏡湖鑑編脩三首

纔向申江泊小舟圖題長嘯海天秋

九月君應余七十歲小像海天長

嘯圖七古一章余次韻奉和卽送其返江北

高歌慰我解離緒和韻送君增

別愁正慕百篇消斗酒那知一夢覺揚州可憐廿四橋
邊月光照吟魂賦夜遊

去年同作春申客舞榭歌臺叙友生沉醉花天和酒地
渾忘苦海與愁城詩筒往返無虛日墨妙徵求著盛名
今日追思成昨夢令人那得不吞聲

湖海論交六十年親朋零落隔雲天那堪老叟龍鍾日
又見才人羽化仙萬事我爲窮鬼困半生君被病魔纏

茂陵遺稿須珍重快付手民千古傳

君著詩文議論精確傳作居多哲嗣

宜早付梓以永其傳故并及之

除夕二首

爆竹催除夕屠蘇快聚歡杯盤笑狼藉骨肉慶團圓客
久忘鄉井年高喜宴安兒孫競辭歲假寐坐蒲團
賈島祭詩日東坡守歲篇老來除結習飲罷便貪眠極
樂夢中境無愁方外天去留無罣礙七十是明年

己卯元日大雪喜作

冬暖如三春釀出雪盈尺龍公試手遲四九見初白天
上同雲同地外碧海碧而我居其間如在水精域放出

大光明令我開胸臆四顧何茫茫江山不復識有魚不
必釣有鳥不必弋飛躍全其天予心保其赤呼童烹雪
花爲我煮雀舌飲茶不知數清風生兩腋今年詩思清
都得雪茶力我欲唱陽春天教歌白雪快頌屢豐年蒼
生潤膏澤可以田爾田可以宅爾宅爾田爾宅安吾亦
適吾適淵明是我師飢來吟乞食乞食傳千秋多金招
五賊富貴不堪憂貧賤有餘悅泌水可樂飢草廬易宴
息高卧慕袁安山中雪深積

寄程蒲孫

秉劍

南昌

止洋分手十年遙尺素飛來別恨消江北江南同作客

春風春雨可憐宵壯心不已思浮海友人約日本功力全衰

敢奪標屬和春柳愧無以應何日相逢重把酒紅樓共聽玉人簫

玉翁吟丈見貽七律一章力疾奉和

續溪

程秉釗

蒲孫

贈我新詩託興遙紅樓何福可能消落霞秋水空江

夢細雨春燈獨客宵賸有閒情吟麝鏡近擬編舊作悼亡詩二卷

更無奇句壓龍標陽回好賴枚乘筆重向尊前聽玉

簫

題上湖草堂校經圖爲姚摺伯

景臯

作

上湖草堂吾未到想見風光開朗抱息遊園主好讀經

日坐堂中抱經校讀經容易校經難安得瑯嬛善本觀
魯魚亥豕無差誤方教後學析疑團昔賢校書天祿閣
太乙青藜燃當燭君今校經臨上湖正及春波綠如玉
題二石花櫺讀畫圖爲姚輿甫作

大梅館主工畫梅梅孫二石花櫺開對石讀畫得佳趣
繪圖徵詩到不才畫梅人已騎龍去題畫人猶塵世任
申江江上望雲天不見人龍空企慕他時訪石到花櫺
再和梅龍舊題句

乃祖梅龍巨卷
余題長歌於後

題修梅花廬圖爲姚開甫作

東岡硯上梅花廬故人梅伯昔所居梅翁騎鯨去世久

梅花無煩老鶴守
肖子賢孫才學優
肯堂肯構梅廬修
修成寄我衍波紙
索我題圖良有以
謂我曾題戲綺圖
海內知音尚有吾
七七老人筆久禿
撫今追昔多感觸
家山梅源久未回
披圖怕見梅花開

望雲禪師題海天長嘯圖有感於中次韻奉酬

百年身世三更夢
萬古乾坤一戲場
貪瞋癡愛光陰短
困厄窮愁日月長
翱翔方外發長嘯
嗟彼池魚與籠鳥
窮通由命不由人
禍福皆由人自造
勘破閭浮了不疑
披襟霄漢懷抱宰
官身與乞丐身都
是電光休論討
君如明月與清風
不昧靈光照碧空
一枝椽筆傳千載

卓立天空海濶中

題海天長嘯圖

方外望雲

天空海濶乾坤大古往今來一夢場人生歷碌居其間得失憑誰論短長問公底事發此嘯忘機直欲親魚鳥鳥飛魚躍由天眞安排聽彼蒼蒼造硯然獨坐胡爲乎知公別有玄珠抱伊余方外十七年子自癸亥出家不克追隨恣探討劃然長嘯起天風一掃人間萬事空襟懷洞徹三千界盡付蒼溟杳靄中

已卯三月初十日同劉拙菴大令焯秦膚雨茂才

雲一粟菴訪望雲上人同看桃花作

海天一粟清涼地來與高僧話暖寒禪室慣留佳客坐
桃花偏笑老人看韶華爛漫春將去琴劍飄零興未闌
方外逍遙真是福何須趨世慶彈冠

三月十一日蕭君敬孚邀遊龍華看桃花楊君和
齋招飲機器局得詩二首

龍華重到一星終十里桃花照眼紅好友同車登極樂
一聲長嘯海天空

同是東西南北人相逢海上悟情真持杯笑問桃源主
可許漁郎重問津

題滄海釣鼈圖爲姚少梅作

太白釣鼉月作劍少梅釣鼉志何求明年春赴瓊林宴
看君獨自占鼉頭